



§ 1. Immikkoortortaqruiup aqqa Nuummi Sulinermik Inuussutissarsiteqartut Peqatigiiffiat; naalisarlugu N.S.I.P

§ 2. Immikkoortortaqruiup angerlarsimaffia: Issortarfimmut 11, Boks 137

§ 3. Immikkoortortaqrufik Sulinermik Inuussutissarsiteqartut Kattuffiannut (SIK) ilaavoq.

Siunertaq suliassallu

§ 4. Immikkoortortaqruiup siunertaraa suliassaralugillu suliffeqarfinni sulisut sinniisaat suleqatigalugit

- Immikkoortortaqrufiit allat SIK-llu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqutissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartunik angusaqarumalluni.
- Isumaqatigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinni equutsinneqartarnissaat sulissutigissallugu.
- Ilaasortat suliffeqannginnerisa napparsimanerisalu nalaanni pisariaqartitaminnik ikiorneqartarnissaasa sulissutiginnissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilaasortat pisinnaatitaaffii pillugit siunnersortassallugit.
- Suliffinni isumaqatigiinnginnerni, soorlu inunnet aalajangersimasunut tunngatillugu suliassani ilaasortat akuuffigisaanni, ilaasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.
- Sulisartunik ilaasortanngitsunik ilaasortanngortitsiniaassalluni.
- Ilaasortaq kinaluunniit pisinnaatitaavoq suliffimmi sinniisoqanngikkuni sullivimmini atukkatigut ajornartorsiuteqarnermigut sullinneqarnissaminut peqatigiiffimmut saaffiginnissuteqassalluni.

Ilaasortat

§ 5. Ilaasortanngortinneqarsinnaapput kikkugaluartulluunniit SIK-p malittarisassaani § 3-mi piumasaqaatinik naammassinnittut.

§ 6. Ilaasortanngorneq pissaaq immersugassamik immersuinikkut atsiuinikkullu. Ilaasortaajunnaarneq imaluunniit allannguutit taamatuttaa q nalunaarutigineqassapput.

Imm. 2, Ilaasortat nutaat immikkoortorta qarfiup sulinera pillugu paasissutissinneqartarnissaannut siulersuisut akisussaapput.

Ataatsimeersuarneq

§ 7. Ataatsimeersuarneq tassaavoq immikkoortorta qarfimmi oqartussaasoq qullerpaaq.

Imm. 2. Ileqquusumik ataatsimeersuarneq ukiut pingasukkaarlugit ingerlanneqartassaaq apriliip qaammataa naatinnagu kingusinnerpaamillu sapaatip akunneri sisamat sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassalluni.

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsissuteqarluni imaluunniit allakkatigut taasisoqarsinnaanngilaq.

§ 8. Ileqquusumik ataatsimeersuarnermi ullormut oqaluuserisassat ikinnerpaamik makkuninnga imaqasapput:

1. Ataatsimeersuarnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutitik kukkunersiukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Siulersuisunut qinersineq
 - a) Siulittaasoq
 - b) Siulittaasup tullia
 - c) Siulersuisunut ilaasortat 3
 - d) Sinniisussat 5
8. Taasariaqartut allat

§ 9. Ilaasortat immikkoortorta qarfimmut atassuteqartut tamarmik siulersuisunut qinigaasinnaapput.

§ 10. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarneq kingusinnerpaamik ullunik 14-ninik sioqqullugu. Ilaasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutitik taamaattunik saqqummiussinnaapput. Ataatsimeersuarneq sapaatip akunnera ataaseq sioqqullugu oqaluuserisassatut siunnersuutit allaffimmut aaneqarsinnaapput.

§ 11. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuutit peerneqassaaq; taamaattorli inummik qinersineq ingerlanneqarpat qinersisoqaqqissaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit - kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

§ 12. Ataatsimeersuarnermi SIK-p malittarisassaanut immikkoortortaqaqfiullu nammineq malittarisassaanut akerliusunik aalajangiisoqarsinnaanngilaq, aalajangiinerillu pisassapput SIK-p ataatsimeersuarnerani imaluunniit nakkutillisoqarfimmi siulersuisuunerniluunniit aalajangiinerit ataqqillugit.

§ 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 14. Immikkut ittumik ataatsimeersuartaqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluu-serisassatut siunnersuummik ilaqartinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatumingga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulliuttup tungaanut atuutissaaq. Qinersinerlu pisinnaavoq immikkut ittumik ataatsimeersuarnermi peqataasut amerlanerussuteqartut kissaateqarnerisigut.

Qinersinerlu pisinnaavoq immikkut ittumik ataatsimeersuarnermi peqataasut amerlanerussuteqartut kissaateqarnerisigut.

Imm. 5. § 9 aamma §§ 11-13 taamatuttaaq atorneqassapput immikkut ittumik ataatsimeersuarnermi.

Ilaasortat ataatsimiinnerat

§ 15. Ukiuni ataatsimeersuarfiunngitsuni ilaasortanik ataatsimiisitsisoqartassaaq. Ataatsimiinneq aprili naatinnagu pissaaq, sivikinnerpaamillu ullunik 14-inik sioqqullugu ataatsimiigiaqqusisoqassaaq najukkami atuagassiami, taamaattoqarpat, nittarsaanikkut kiisalu illoqarfiup/nunaqarfiup allagarsiiviisigut suliffeqarfinnilu allagarsiinikkut.

Imm. 2. Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiinneranni oqaaseqarsinnaatitaallutillu taasisinnaatitaapput. Pisinnaatitsissuteqarluni imaluunniit allakkatigut taasisoqarsinnaanngilaq.

§ 16. Ilaasortat ataatsimiinneranni ullormut oqaluserisassat ikinnerpaamik makkuninnga imaqassapput:

1. Ataatsimiinnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutitik kukkunersiukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Taasariaqartut allat

§ 17. §§ 10-13 taamatuttaaq atorineqassapput ilaasortat ataatsimiinneranni.

Siulersuisut

§ 18. Siulersuisut immikkoortortaqrarfiup ulluinnarni aqunneqarneranut akisussaasuupput, pisussaallutillu immikkoortortaqrarfik SIK-p malittarisassai immikkoortortaqrarfiullu nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaq siulersuisut malissavaat SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkoortortaqrarfiup ataatsimeersuarnerani aalajangiinerit.

§ 19. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqartussaq, kiisalu siulersuisut ataatsimiitarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat ikinnerpaamik affaat peqataagaangata. Taasinerit naligiippata siulittaasup taasiner aalajangiisuussaaq. Siulittaasup peqannginnerani siulittaasup tulliaata taasiner aalajangiisuussaaq. Aamma siulersuisut ataatsimiinneranni SIK-p Inuusuttai sinnerlugit peqataatitsoqarsinnaavoq, oqaaseqarsinnaatitaalluni siunnersuuteqarsinnaatitaallunilu.

Imm. 3. Siulittaasoq immikkoortortaqrarfiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Aamma siulersuisut ataatsimiinneranni SIK-p Inuusuttai sinnerlugit peqataatitsoqarsinnaavoq, oqaaseqarsinnaatitaalluni siunnersuuteqarsinnaatitaallunilu.

Imm. 4. Immikkoortortaqrarfiup ulluinnarni allaffissornikkut ingerlanneqarnera pillugu siulersuisut pisari-aqartunik aalajangiisassapput, tamatumani aamma allaffimmi sulisunik atorfinitsitsinerit soraarsitsinerillu pillugit aalajangiinernik.

Imm. 5. Siulersuisunut ilaasortat allaffimmilu sulisut ajunngitsorsiassaata akissarsiaqartinneqarnerallu missingersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

§ 20. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 21. Siulersuisunut ilaasortaq Naalakkersuisunut ilaasortatut toqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Tamanna taamaallaat piffissamut killilimmut atuuppat, pineqartoq sulingiffeqarallarnissamut akuerineqaannarsinnaavoq. Sulingiffeqarallarnissamut akuerineqartoq siulittaasuuppat, siulittaasup tullia sulingiffeqarallarnernerup nalaani siulittaasutut atuutissaaq. Sulingiffeqarallarnissamut akuerineqartoq siulittaasup tullerippagu, siulersuisut aalajangissapput siulersuisunut ilaasorta q sorleq sulingiffeqarallarnernerup nalaani siulittaasup tulliatut atuutissanersoq. Sulingiffeqarallarnissamut akuerineqartoq siulersuisunut ilaasortaappat siulittaasuunngitsoq imaluunniit siulittaasumut tulliuunngitsoq, siulersuisut aalajangersinnaapput sinniisussamik siulersuisunut ilaasortanngortoqassasoq sulingiffeqarallarnernerup nalaani atuuttussamik, qinersinermi § 8-mi nr. 7-imi taaneqartumi taaneqarnerpaasimasumik.

Imm. 3. Siulersuisunut ilaasorta q immikkoortorta qarfiup aningaasaataanik atornerluisimasoq siulersuisunut ilaasortaajunnaarsinneqarsinnaavoq. Aningaasanik atornerluisimaneq ilaasortaajunnaarsitsinissaq pitinnagu kattuffiup kukkuner siuisuanit uppersarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasorta q paasissutissanik allagaatinilluunniit immikkoortorta qarfimmut ajoqutaasumik atornerqarsinnaasunik siulersuisunit akuerineqarnani ingerlatitseqqiisimappat.

Imm. 4. Imm. 1-3-mi taaneqartutut pisoqarnerani siulittaasooq siulersuisunut ilaasortaajunnaarpat siulittaasup tullia siulittaasuunngussaaq ileqquusumik ataatsimeersuarnissami tulliuuttumi siulittaasumik nutaamik qinersinissaq tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaaq qinersinermi § 8-mi nr. 6-imi taaneqartumi taaneqarnerpaasimasooq siulersuisunut ilaasortatut atuutilissaaq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornannit. Tamatuma peqatigisaanik siulersuisuni sinniisussaaq qinersinermi § 8-mi nr. 7-imi taaneqartumi taaneqarnerpaasimasooq siulersuisunut ilaasortatut atuutilissaaq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliuunngitsumik siulersuisunit tunuartoqarpat siulersuisuni sinniisussaaq qinersinermi § 8 nr. 7-imi taaneqartumi taaneqarnerpaasimasooq ilaasortanngussaaq. Sinniisussat arlallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Imm. 7. Siulersuisunut ilaasorta q qinikkatut atorfeqartitaanngitsoq sullivimminik soraarsitaasimappat imaluunniit suliffissaaruteqqappat tamanna siulersuinut ilaasortaaneranut sunniuteqassanngilaq.

Aningaasaqarneq, naatsorsuutit aamma kukkuner siuineq

§ 22. Immikkoortorta qarfiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut immikkoortorta qarfiup naatsorsuutai akuersissutigissavaat, taakkulu tamatuma kingorna ilisimatitsissutitut ataatsimeersuarnermi imaluunniit ilaasortat ataatsimiinneranni

saqqummiunneqassapput. Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontuinut netbankikkut isersinnaanermut akuersissummik peqartussaalluni. SIK-p allattoqarfiata qaammatit tamaasa naatsorsuutitut allattukkat anillatsillugit immikkoortortaqaqfimmumit nassiuttassavai.

Imm. 4. Peqatigiiffik nalilinnik pisissatillugu imaluunniit tunisissatillugu ulluinnarni aqutsisut siulersuisunilu ilaasortaq arlaat ataaseq atsiortassapput.

Imm. 5. Peqatigiiffiup aningaasatigut ingerlanera siulersuisut akisussaaffigaat, ulluinnarnilu aqutsisut allaffissornermi aningaasatigut ingerlatsinerminni siulersuisunut ilisimatitsissuteqarnissamut pisussaaffeqarput.

Atsiornissamut maleruaqqusat aningaasanut akisussaassuseqarneq

§ 23. Immikkoortortaqaqfik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussinermi peqatigiiffik sinnerlugu siulersuisunut ilaasortat tamarmik atsiqataassapput.

Imm. 2. Immikkoortortaqaqfimmumit ilaasortat immikkoortortaqaqfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allangortitsineq

§ 24. Malittarisassat taamaallaat ataatsimeersuarnermi 2/3-mik amerlanerussuteqartunit allangortinneqarsinnaapput, tassani allangortitsinissamut siunnersuut ullormut oqaluuserisassani allassimassalluni. Malittarisassat taakku minnerpaamik imaqaassapput aalajangersakkanik immikkoortortaqaqfiit malittarisassaanni nalinginnaasuni SIK-p ataatsimeersuarnerani akuersissutigineqarsimasuni allassimasunik.


Imm. 2. Malittarisassanik allangortitsinerit ataatsimeersuarnermi akuersissutigineqarnerminnit atuutissapput.

Immikkoortortaqaqfimmik atorunnaarsitsineq

§ 25. Immikkoortortaqaqfimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allassimassalluni, ataatsimeersuarnermilu peqataasut 2/3-isa siunnersuut akuerippassuk.

Imm. 2. Atorunnaarsitsinermi immikkoortortaqaqfik akiitsoqarpat taakku akiligassaqaqfimmumit akilerneqassapput. Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqarfianut tunniunneqassapput.


Nuummi Inuussutissarsiuteqartut Peqatigiiffiat 19. marts 2024 ataatsimeersuarnerani akuerineqarput.




Sofie Svendsen
Siulittaasoq



Peter B. Mølgaard
Siulittaasup tullia



Arnaq Johansen
Siulersuisunut ilaasortaq



Emma Junge Dalager
Siulersuisunut ilaasortaq



Inge-Marie J. Rosing
Siulersuisunut ilaasortaq